

VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN  
XEFATURA TERRITORIAL DA CORUÑA

Rúa Vicente Ferrer, 2

15008 A Coruña

**Asunto:** Alegacións ao ACORDO do 30 de agosto de 2021, da Xefatura Territorial da Coruña, polo que se someten a información pública a solicitude de autorización administrativa previa, a autorización administrativa de construción, o estudo de impacto ambiental e o proxecto sectorial de incidencia supramunicipal (proxecto de interese autonómico (PIA) do proxecto do parque eólico Vilartoxo, nos concellos da Baña e Val do Dubra (A Coruña) (expediente IN408A 2019/44). DOG Núm. 172, 7 de setembro de 2021.

Don/Dona \_\_\_\_\_ con DNI. Número \_\_\_\_\_, con domicilio a efectos de notificacións en \_\_\_\_\_, municipio de \_\_\_\_\_, provincia \_\_\_\_\_, teléfono \_\_\_\_\_.

**EXPÓN:**

Á vista do Acordo do 30 de agosto de 2021, da Xefatura Territorial da Coruña, polo que se someten a información pública a solicitude de autorización administrativa previa, a autorización administrativa de construción, o estudo de impacto ambiental e o proxecto sectorial de incidencia supramunicipal (proxecto de interese autonómico (PIA) do proxecto do parque eólico Vilartoxo, nos concellos da Baña e Val do Dubra (A Coruña) (expediente IN408A 2019/44). DOG Núm. 172, 7 de setembro de 2021, por medio do presente escrito realiza as seguintes **ALEGACIÓNS:**

**1.- Vulneración flagrante da Directiva 92/43/CEE, relativa á Conservación de Hábitats Naturais e da Fauna e Flora Silvestres.**

*“Artigo 2*

1. A presente Directiva ten por obxecto contribuír a garantir a biodiversidade mediante a conservación dos hábitats naturais e da fauna e flora silvestres no territorio europeo dos Estados membros ao que se aplica o Tratado.

2. As medidas que se adopten en virtude da presente Directiva terán como finalidade o mantemento ou o restablecemento, nun estado de conservación favorable, dos hábitats naturais e das especies silvestres da fauna e da flora de interese comunitario”.

*“Artigo 6*

1. Con respecto ás zonas especiais de conservación, os Estados membros fixarán as medidas de conservación necesarias que implicarán, no seu caso, adecuados plans de xestión, específicos aos lugares ou integrados noutros plans de desenvolvemento, e as apropiadas medidas regulamentarias, administrativas ou contractuais, que respondan as esixencias ecolóxicas dos tipos de hábitats naturais do Anexo I e das especies do Anexo II presentes nos lugares.

2. Os Estados membros adoptarán as medidas apropiadas para evitar, nas zonas especiais de conservación, a deterioración dos hábitats naturais e dos hábitats de especies, así como as alteracións que repercutan nas especies que motivasen a designación das zonas, na medida en que ditas alteracións poidan ter un efecto apreciable no que respecta a os obxectivos da presente Directiva.

3. Calquera plan ou proxecto que, sen ter relación directa coa xestión do lugar ou sen ser necesario para a mesma, poida afectar de forma apreciable aos citados lugares, xa sexa individualmente ou en combinación con outros plans e proxectos, someterase a unha adecuada avaliación das súas repercusións no lugar, tendo en conta os obxectivos de conservación do devandito lugar. Á vista das conclusións da avaliación das repercusións no lugar e supeditado ao disposto no apartado 4, as autoridades nacionais competentes só se declararán de acordo con devandito plan ou proxecto tras asegurarse de que non causará prexuízo á integridade do lugar en cuestión e, se procede, tras sometelo a información pública”.

## 2.- Impactos ambientais severos.

Indica a mercantil promotora:

“Para la evacuación del parque eólico de Vilartoxo se plantea la denominada “Solución de evacuación conjunta de los PPEE Barrosino y Vilartoxo” proyectándose la construcción de una Línea de Media Tensión a 30 kV, “LMT 30 kV Centro Seccionamiento Vilartoxo-SET Troitomil”, que discurrirá desde el centro de seccionamiento del Parque Eólico Vilartoxo hasta la Subestación del Parque Eólico Troitomil (30/132 kV), en el Término Municipal de A Baña, objeto de su correspondiente Proyecto ya en tramitación. De este parque partirá una LAT 132 kV conjunta con otros parques del clúster, que evacuarán la energía hasta la subestación colectora de Lousame 132/220 kV, y desde ésta a través de una LAAT

220 kV se conectará a la SET Lousame 220 de Red Eléctrica de España, SAU.”.

A mercantil promotora reconece expresamente a existencia dun Clúster de empresas que teñen un plan industrial eólico para a mesma área xeográfica. Por iso, este plan debera ser obxecto de avaliación ambiental estratéxica e o conxunto de parques e infraestruturas eólicas someterse no seu conxunto á avaliación ambiental coa correspondente participación pública. Estase a producir o fraccionamento aos efectos da avaliación ambiental dun plan en varios parques eólicos de tramitación independente coa finalidade de obviar a participación pública na valoración dos impactos globais da totalidade do plan e minimizar os efectos ambientais.

**Ausencia de utilidade pública e interés social do proxecto eólico Vilartoxo. O INTERSE AUTONÓMICO DO PROXECTO NON SE XUSTIFICA.**

Indica a mercantil promotora:

*“Dada la modificación del marco regulatorio nacional, es de capital importancia permitir una rápida tramitación de los expedientes administrativos de autorización de proyectos eólicos de cara a competir con los diferentes territorios estatales, por lo que se espera que con las reformas impulsadas por la Ley 5/2017 de 19 de octubre, de fomento de la implantación de iniciativas empresariales en Galicia, se permita presentar en esta Comunidad Autónoma la mayor cantidad de proyectos que aprovechen su privilegiada situación respecto al recurso eólico”.*

É dicir, que a utilidade pública e o interés social do proxecto non existe. Este proxecto, ao igual que o resto dos proxectos do mesmo clúster de empresas, o que busca é unha posición ventaxosa no mercado eólico para competir con máis facilidade e sacar adiante o maior número de proxectos posibles para maximizar beneficios, e todo elo, ao abeiro dunha lei galega que lle permitiría competir con máis facilidade neste territorio.

**Afección moi severa e prexuízos significativos para os recursos hídricos. Vulneración flagrante da Directiva Marco da Auga (DMA). AUSENCIA DUN ESTUDO HIDROLÓXICO E HIDROXEOLÓXICO QUE GARANTA A CALIDADE DAS MASAS DE AUGA SUPERFICIAIS E SOTERRADAS E A NON AFECCIÓN AOS ACUÍFEROS:**

As instalacións eólicas sitúanse sobre as nascencias dos ríos que dan lugar aos vales fluviais que se estenden ao longo da serra e dos cumios. A área poligonal do proxecto sitúase entre as concas do Río Dubra e Tambre, que desemboca na Ría de Muros e Noia. Máis concretamente na poligonal, atópase a conca do Río Portalaxe, tributario do Río Tambre; na súa práctica totalidade, a implantación do parque áchase incluída dentro da conca do río Portalaxe.

Son varios os cursos fluviais afectados: Río de Portalaxe, Rego de Potella, Rego de Guimaráns, Rego das Insuas e Rego do Tarrulo.

As instalacións atópanse situadas dentro da masa de auga subterránea “014.007 Tambre”.

Identifícanse próximas á implantación do parque eólico o tramo de interese de especies ameazadas “Tambre ES014 TIEX00000017” situado a escasos 700 metros da poligonal, e diversas captacións de abastecemento humano distribuídas pola poligonal cuxas localizacións se atopan á beira das infraestruturas do parque.

- Río de Portalaxe: principal da poligonal cuxo curso discorre polo lado esquerdo do parque ata desembocar no Tambre.
- Rego das Insuas: importante curso fluvial localizado ao sur da poligonal.
- Rego de Guimaráns: situado á esquerda do aero VL06.
- Rego de Potella: rego localizado á dereita da SET proxectada.
- Rego de Tarrulo: curso fluvial que discorre á beira das infraestruturas VL04 e VL05 pola marxe dereita do parque.

☞ **Afección severa e prexuízos irreversibles para humidais, brañas, diversos cauces innominados e fontes. Impacto obviado pola mercantil promotora.**

No Agro da Pena dos Vermes, preto do Cotón Negro ubicaríase o aeroxerador VL2 e entre este e o Cotón Branco, o aeroxerador VL1, afectando de forma importante aos núcleos de Bugalleiras, aos núcleos de Menlle de Arriba e Menlle de Abaixo e ao Agro do Mallón.

O aeroxerador VL4 localizaríase na Pedra da Lá, que delimita o municipio do Val do Dubra e o municipio da Baña, preto da Pedra do Lagarteiro, **onde nacen numerosos cauces que alimentan as Brañas como a Fonte Mourelle**, afectando ao lugar de Bugalleiras (A Baña) e ao núcleo de Xermil, Estebande e O Vilar (Val do Dubra). Outro aeroxerador afecta ao lugar dos Picotos onde se ubica a Pedra do Moucho, **a Fonte Branca e o Porto Cabalo que atravesa un rego innominado alimentado por esta**. Outro cauce afectado sería o rego de Tarrulo. **Á beira da Pedra da Maza hai unha zona de humidais e brañas ubicadas nun val como o Brañón** (Agro de Val, Agro Portela de Val, Chousa Val de Abaixo, Chousa Val de Arriba, Leira de Val...). **A Fonte Espiño, a Fonte Cada, A Corga, a Corga das Rozas e as Brañas do Salgueiro estarían afectadas por os aeroxeradores VL4, VL5 e VL6**. Afectarían tamén ao Fondo do Val, aos Muíños do Pazo, á Costa da Fonte Peimosa, ao **río do Porto do Val** e aos núcleos de Hórreo, Lañas e Valiña, **ás Brañas da Viñoa e ao rego das Ínsuas**.

Nunha época de crise climática e seca como a actual non pode obviarse a avaliación ambiental das fontes, dos cauces, das brañas, dos humidais e incluso das turbeiras. Tanto o municipio da Baña como Val do Dubra contan no alto dos montes con importantes áreas de turbeiras e brañas.

☞ **Prexuízos significativos e irreversibles para os hábitats prioritarios e de interese comunitario:**

4020 \* Brezais húmidos atlánticos de zonas tépedas de Erica ciliaris e Erica tetralix

4030 Brezais secos europeos

7110 \* Turbeiras altas activas

91E0 \* Bosques aluviais de Alnus glutinosa e Fraxinus excelsior (Alno- Padion, Alnion incanae, Salicion albae).

9230 Carballeiras galaico-portuguesas con Quercus robur e Quercus pyrenaica.

☞ **Prexuízos significativos e irreparables para o bosque de ribeira e o bosque autóctono galego ou ancient wood: \*\*Vulneración flagrante da Directiva 92/43/CEE, relativa á Conservación de Hábitats Naturais e da Fauna e Flora Silvestres.**

“Artigo 2 1. A presente Directiva ten por obxecto contribuir a garantir a biodiversidade mediante a conservación dos hábitats naturais e da fauna e flora silvestres no territorio europeo dos Estados membros ao que se aplica o Tratado.

**2. As medidas que se adopten en virtude da presente Directiva terán como finalidade o mantemento ou o restablecemento, nun estado de conservación favorable, dos hábitats naturais e das especies silvestres da fauna e da flora de interese comunitario”.**

☞ **Afección severa e irreversible para o bosque autóctono:**

Dominado por Quercus robur e Castanea Sativa e outras especies caducifolias como Betula alba, normalmente en asociación con Quercus robur.

A eliminación de exemplares destas masas ao igual que a vexetación de ribeira implica unha afección permanente e contraria á Directiva de Hábitats que obriga a mantelos nun estado de conservación favorable.

☞ **Afección severa para as familias que viven e residen nos núcleos máis próximos. Impactos non avaliados pola mercantil promotora.**

Pazo VL06 1.400 metros

Valiña VL02 1.500 metros

Xermil VL05, VL06 640,750 metros

Estebande VL05 993 metros

Menlle de Arriba VL01, VL02 870, 1.000 metros

Menlle de Abaixo VL01, VL02 620, 850 metros

A mercantil promotora recoñece prexuízos para as familias que viven e residen nos seguintes núcleos de poboación. Agora ben, cómpre indicar que, con independencia do maior o menor número de habitantes, todas as persoas teñen dereito á protección da saúde e ao benestar persoal e social, polo que non se poden minimizar os impactos da mancha de infraestruturas eólicas existentes na zona en base a que os núcleos están dispersos e teñen poucos habitantes:

Valiña A Baña 48 habitantes a 1.443 m do aero 2

Menlle de arriba A Baña 47 habitantes a 906 m do aero 1

Menlle de abaixo A Baña 10 habitantes a 750 m do aero 1

Guimarans A Baña 29 habitantes a 1.719 m do aero 5

Mundris A Baña 23 habitantes a 1.568 m do aero 4

Vilar de Suso A Baña 54 habitantes a 2.366 m do aero 2

Vilar dá Torre A Baña 67 habitantes a 2418 m do aero 2

Castro A Baña 14 habitantes a 1.202 m do aero 3

Meimendre A Baña 17 A 1.986 m do aero 3

Cabanas A Baña 82 A 2.103 m do aero 6

A Igrexa A Baña 30 A 1532 m do aero 6

Pazo A Baña 30 A 1.266 m do aero 6

Lañas A Baña 29 A 1.945 m do aero2

Prousor A Baña 49 A 2.225 m do aero 5

Quintans Val do Dubra 30 A 1.304 m do aero 6

Paramos Val do Dubra 136 A 1.031 do aero 6

Cabada Val do Dubra 35 A 1.956 m do aero 6

A Igrexa Val do Dubra 12 A 1.835 m do aero 4

Carreira Val do Dubra 12 A 1.044 m do aero 6

Estebande Val do Dubra 18 A 970 m do aero 5

Vilar Val do Dubra 33 A 1.130 m do aero 4

Insua Val do Dubra 64 A 1.900 m do aero 6

Cebei Val do Dubra 56 A 2.144 m do aero 4

Novexilde Val do Dubra 6 A 1.420 m do aero 4

Xermil Val do Dubra 25 A 675 m do aero 5

**Afección ás familias que viven e residen nos núcleos próximos ao proxecto en relación ao impacto paisaxístico, acústico e electromagnético. Afección severa ao benestar individual e grupal das familias que viven e residen nos núcleos afectados.**

A mercantil promotora reconece impactos significativos para os núcleos de poboación afectados polo p.e. Vilartoxo: ruídos das voaduras puntuais durante a fase de execución do parque, contaminación acústica e electromagnética durante o funcionamento, ou efecto de “sombra” das pás, alteracións dúas sinais de radio e televisión... etc. Ao que hai que engadir ou impacto paisaxístico que hai que convivir co ou resto dá vida...

**ÉXODO POBOACIONAL PARELLO Á INSTALACIÓN DE INDUSTRIAS AGRESIVAS COA ENTORNA E CO MEDIO AMBIENTE. PRESIÓN INDUSTRIAL EXCESIVA**

Impacto non avaliado pola mercantil promotora. O interese público e a utilidade social do proxecto carece de base e xustificación. Así o acredita o forte rexeitamento social á instalación masiva de parques eólicos nos núcleos rurais de Galicia. Nun rural no que a Xunta de Galicia permite inzar muíños en calquer lugar como así o acredita o feito de que na mesma área xeográfica existan máis instalacións eólicas.

O parque eólico proxectado sitúase nunha zona que recolle uns 127 aerogeradores en funcionamento, entre eles os correspondentes aos parques de Castelo, Fontesilva, Zas, Corzán próximos ao ámbito do Parque Eólico Vilartoxo.

En canto aos parques eólicos previstos a “futuro” estímase que entre parques que contan con autorización e solicitados un total de 303 aerogeradores, entre eles, os correspondentes aos parques Santa Comba, Troitoimil, Vilamartiño ou Rial próximos ao ámbito do Parque Eólico Vilartoxo, que se localizan no ámbito das poligonales 5 e 10 km.

Ademais están os parques eólicos, Barrosino, San Cosmeiro, Maragouto, Banzas, Troitomil, O Vao, Alvite e Alvite II promovidos por promotores que pertencen ao grupo empresarial Capital Energy. Estes parques, do mesmo clúster, non foron obxecto de avaliación ambiental conxunta substraéndose por tanto da debida participación pública. Ao anterior hai

que engadir que o Plan Sectorial Eólico de Galicia carece de avaliación ambiental estratéxica e tampouco está a ser obxecto do preceptivo seguimento ambiental que indica a Lei 21/2013, de avaliación ambiental.

**\*Ausencia dun inventario ambiental serio e cumprindo co esixido no artigo 35 e Anexo VI da Lei 21/2013, do 9 de decembro, de avaliación ambiental: deficiencia do estudo da fauna, da flora, da biodiversidade...**

**\*A promotora obvia a importancia micolóxica da área de afección do proxecto.**

**\*A promotora obvia a importancia económica da produción de castaña en réxime ecolóxico polo que respecta á afección aos soutos.**

#### ☞ **Afección severa e incompatible coa avifauna.**

Aquila chrysaetos, catalogada en Perigo de extinción no Catálogo galego de Especies Ameazadas, e da que existen poucas parellas en Galicia.

Outra especie de distribución máis restrinxida é o Circus pygargus, especie catalogada como Vulnerable tanto a nivel galego como estatal.

Entre os paseriformes destaca a presenza de Phoenicurus phoenicurus, especie catalogada como Vulnerable tanto no CGEA como no CEA.

Respecto a os mamíferos, os quirópteros son o grupo máis afectado polos parques eólicos polos posibles riscos de colisión e morte por barotrauma.

Na zona identificáronse de forma segura un total de once especies diferentes de quirópteros, das cales o morcego grande de ferradura (R. ferrumequinum) atópase catalogada como "Vulnerable" tanto no Catálogo Galego de Especies Ameazadas (CGEA) como no Catálogo Español de Especies Ameazadas (CEA), mentres que o morcego pequeno de ferradura (Rhinolophus hipposideros) ten esta mesma catalogación no CGEA, pero non no CEA. Todas as especies de quirópteros atópanse en Réxime de Protección Especial en España. Sen embargo, polo principio de precaución ambiental non debera instalarse este parque eólico debido a que se incrementan significativamente o número de infraestruturas eólicas presentes na mesma área xeográfica e fragmentáanse aínda máis os ecosistemas co conseguinte impacto negativo para a avifauna.

#### ☞ **VULNERACIÓN FLAGRANTE DA LEI 7/2012, DE 28 DE XUÑO DE MONTES DE GALICIA. ELIMINACIÓN DA MULTIFUNCIONALIDADE DO MONTE.**

O monte é un sector estratéxico na economía galega que contribúe a mitigar o cambio climático e á descarbonización da economía. Aspecto non avaliado pola promotora. A mercantil promotora non avalía o impacto da estación eólica e as súas infraestruturas de evacuación sobre o benestar das familias dos núcleos habitados e o posible éxodo poboacional que se pode dar derivado da mancha de estacións eólicas que hai no territorio e outras infraestruturas, que dificultan a vida no rural e a sustentabilidade e viabilidade das explotacións forestais e agro – gandeiras (fomentando o feito coñecido como despoboamento do rural ou España baleirada). A este respecto debera informar a Dirección Xeral Xeral de Defensa do Monte da Consellería de Medio Rural da Xunta de Galicia e á luz da exposición de motivos e o artigo 5 da Lei 7/2012, de 28 de xuño se informe sobre a prevalencia do uso forestal sobre o uso eólico e a incompatibilidade deste, dentro da superficie afectada pola poligonal do parque eólico, en tanto en canto como ben di a exposición de motivos da referida lei, o monte galego é unha fonte de riqueza que xera emprego estable, descarboniza a economía, cumpre co protocolo de Kioto e realiza unha contribución importante ao PIB galego. Así as infraestruturas eólicas estarían localizadas sobre explotacións forestais e madeiras. Estas localízanse sobre vexetación que se corresponde con explotacións forestais e madeiras formando un mosaico con cultivos forraxeiros que abastecen ás granxas familiares que hai nos núcleos rurais afectados, e que constitúen o medio de vida das familias que viven e residen neles.

☞ **AFECCIÓN SEVERA E PREXUIZOS SERIOS E IRREPARABLES PARA AS EXPLOTACIÓNS FORESTAIS, MADEREIRAS E AGRO-GANDEIRAS DA ÁREA DE AFECCIÓN DO PROXECTO:**

Cómpre destacar a importancia económica das explotacións forestais e madeiras da área de afección do proxecto como complemento das economías domésticas e familiares. As rendas do sector forestal e a importancia deste ao PIB da Comunidade de Galicia e ao desenvolvemento da industria da madeira foi obviado pola mercantil promotora. A estación eólica en un futuro as súas infraestruturas de evacuación fragmentan as explotacións forestais e as agro –gandeiras coa conseguinte perda da base territorial destas e a perda de rendementos. A fragmentación que produce a infraestrutura eólica resulta incompatible cos obxectivos da Política agraria comunitaria (PAC). A empresa promotora non avaliou os impactos do proxecto sobre estas explotacións económicas e como repercute a estación eólica nas economías familiares dos núcleos afectados.



Figura 8.- Parcela de cultivo sobre a que se proyecta la ubicación del centro de seccionamiento del parque.

Imaxe do proxecto dunha parcela de cultivo. A mercantil promotora obvia o impacto das infraestruturas eólicas sobre as economías das familias que viven e residen nos núcleos rurais afectados. Velaquí a afección sobre unha pradeira que sin dúbida afectará á cabana gandeira da propiedade.



A mercantil promotora obvia a importancia madeira e forestal da zona afectada polo proxecto eólico e que constitúe a base das economías das familias que viven e residen nos núcleos rurais afectados. O proxecto eólico fragmenta as explotacións forestais afectando á calidade destas e elimina superficie arborada co conseguinte impacto económico.

PARQUE EÓLICO VILARTOXO

ZETA ARQUEOLOXÍA



Afección sobre outra pradeira e por conseguinte na economía doutra familia que vive e reside nos núcleos afectados polo proxecto eólico. Ao fondo, un camión transporta madeira dunha explotación forestal, tamén afectada polo proxecto eólico. Este proxecto afecta de maneira moi significativa e severa ás economías familiares que viven e residen nos núcleos rurais afectados. Impactos non avaliados pola mercantil promotora.





Vista de la SET.

Outra pradeira afectada con granxa ao fondo. Impactos non avaliados pola mercantil promotora.



Vista del vial y zanja desde VL3 hacia las mámoas GA15007004 y GA15007003.

Imaxe dos montes con madeira apilada nun extremo do vial. A mercantil promotora obvia a importancia das explotacións forestais e madeiras nas economías das familias que viven e residen nos núcleos rurais afectados polo proxecto eólico Vilartoxo. A incidencia negativa nas economías familiares do rural é evidente.

☞ **Prexuízos significativos para o Lobo. Plan de Xestión do Lobo de Galicia.**

O proxecto afecta directamente a zonas de encame e puntos de encontro da especie. Falla de avaliación por parte da promotora. Hai que ter en conta que a corta de matogueira e a ocupación do terreo ten impactos significativos para a especie. Non se siguen os criterios dos expertos que indican:

“• Recoméndase que na fase de planificación dun novo parque eólico (fase proxecto) consúltense as fontes dispoñibles acerca da presenza de mandas de lobos na zona. Desta maneira, tendo en conta os requirimentos da especie e o que se coñece do efecto dos parques eólicos sobre os lobos, poden minimizarse, e mesmo, evitarse impactos negativos sobre este cánido. • É conveniente que durante a planificación dun parque eólico identifíquense as principais manchas de vexetación arbustiva e evítese, na medida do posible, a súa fragmentación e destrución”.

A totalidade das infraestruturas eólicas fragmentan os hábitats das especies producindo prexuízos significativos para unha especie de marcado carácter territorial. Os lobos son TERRITORIAIS, e os lobos que nun territorio alleo no que non estean abertos a aceptar elementos novos, serán eliminados. O 70% dos lobos que morren por causas naturais o son por esta causa. O Convenio de Berna relativo á Conservación da Vida Silvestre e o Medio Natural de Europa, foi asinado en Estrasburgo (Francia) en 1979. Este convenio incluíu ao lobo no Anexo II “Especies de fauna estritamente protexidas”, constando as prohibicións correspondentes no seu art. 6. Este Convenio debe o seu valor a tres características fundamentais: o seu carácter xeneralista, a concepción da lista 9 única de especies e a incorporación da política conservacionista na planificación económica. O artigo 56 da Lei 42/2007 de Patrimonio Natural e da Biodiversidade establece a protección para todas as especies amparadas por tratados e convenios internacionais, como o de Berna, ratificado por España, polo que en caso de non ter dita consideración estaríamos ante un incumprimento flagrante das obrigacións derivadas do Convenio de Berna, e da subseguinte Directiva Hábitats 92/43/CEE, en relación a unha especie protexida e de interese comunitario como o Lobo.

#### ☞ **Prexuízos significativos para as Áreas de Especial Interese Paisaxístico:**

\*LEIP Contorna Igrexa Santa María de Paramos e Carballeira.

\*LEIP Contorna Santa Mariña San Román e Carballeira.

\*Miradoiro Santa Mariña.

As áreas de especial interese paisaxístico identificadas como próximas ao parque eólico son: Carballeiras de San Cibrán situada ao suroeste e Portomouro ao leste.

**Transformación da Paisaxe: de mosaicos agrarios e forestais a unha paisaxe industrial de parques eólicos e liñas de evacuación.**

#### ☞ **Afección severa aos roteiros. Incremento do Feísmo Paisaxístico e afección severa ao turismo e á hostelería.**

Ruta das Carballeiras

Ruta do Río Dubra

Ruta do Río Tambre

Ruta da Fervenza do Rexedoiro

Ruta da Devesa de Gontar (Val do Dubra)

#### ☞ **Afección á Rede Natura 2000:**

\* ZEPVN e ZEC “Sistema fluvial Ulla-Deza” (ES1140001) situado ao sur da poligonal proxectada.

\* ZEPVN e ZEC “Río Tambre” (ES1110016) situado ao leste da poligonal.

#### ☞ **Afección severa ao patrimonio cultural. Descontextualización patrimonial.**

GA15088003 Val do Dubra

GA15088004 Val do Dubra

GA15088020 Val do Dubra

GA15088029 Val do Dubra

GA15007002 A Baña

GA15007003 A Baña

GA15007004 A Baña

GA15007007 A Baña  
GA15007009 A Baña  
GA15007015 A Baña  
GA15007066 A Baña  
GA15007070 A Baña  
GA15007071 A Baña  
GA15007089 A Baña  
AC15007002 A Baña  
AC15007003 A Baña

**☞ Patrimonio cultural inmaterial: sen avaliar.**

**☞ Prexuízos significativos e irreversibles para os chans e o medio ambiente:**

O chan é un recurso natural non renovable e finito cuxo proceso de formación tómase centos de anos. Son unha parte fundamental no equilibrio dos ecosistemas: funciona como filtro e amortiguador ao reter substancias, protexe as augas subterráneas e superficiais contra a penetración de axentes nocivos e transforma compostos orgánicos descompoñéndoos ou modificando a súa estrutura conseguindo a mineralización.

A implantación dos eólicos proxectados do parque eólico VILARTOXO alteraría os ciclos bioxeoquímicos dos chans. A degradación que sofren os chans supón unha ameaza á capacidade deste recurso para satisfacer as necesidades das futuras xeracións.

A materia orgánica do chan ou humus é fundamental para manter a estrutura do chan, reter a auga necesaria, actuar como reserva nutritiva e imprescindible para manter a produtividade da terra. Certos usos do chan, como as cimentacións eólicas, diminúen de forma drástica o contido de materia orgánica do chan. As remocións de toneladas de terra que esixe a implantación do parque eólico proxectado non é cuestión baladí e eses chans non se van a recuperar polo que nun futuro, no caso de implantarse, teremos unha gran área de chan desertificada e erosionada de terro infértil.

Coa implantación das cimentacións dos parques, as excavacións e remocións de toneladas de terras durante a súa instalación, elimínase a materia orgánica dos chans e pérdese a produtividade destes. Non só se produce un cambio de usos (agrícolas de cultivo, de pasteiros ou forestais). Tamén se produce unha transformación urbanística non amparada legalmente, ao quedar os chans erosionados e perder de forma irreversible a súa produtividade orixinaria.

A Lei do chan de Galicia aposta na súa exposición de motivos pola protección territorial e, en particular, pola defensa e respecto do chan rústico, xa sexa pola afección ao dominio público ou pola presenza de valores merecedores de especial salvagarda. Así o indica literalmente:

*“A Lei do chan aposta pola protección territorial e, en particular, pola defensa e respecto do chan rústico, xa sexa pola afección ao dominio público ou pola presenza de valores merecedores de especial salvagarda”.*

O artigo 31 da citada lei referido a “Concepto e categorías” establece:

“1. Terán a condición de chan rústico:

a) Os terreos sometidos a algún réxime de especial protección, de conformidade coa lexislación sectorial de protección do dominio público marítimo-terrestre, hidráulico ou de infraestruturas, ou coa lexislación sectorial de protección dos valores agrícolas, gandeiros, forestais, paisaxísticos, ambientais, naturais ou culturais”.

Así, o artigo 34 da Lei 2/2006 do chan de Galicia indica respecto ao “Chan rústico de especial protección” que:

“4. Cando un terreo, polas súas características, poida corresponder a varias categorías de chan rústico, aplicaranse os distintos réximes de forma complementaria”, pero entendendo en base ao indicado na exposición de motivos da lei, que no caso de non poder complementarse prevalecerá aquel que máis protexa o chan rústico e en ningún caso, aquel que poida alterar de forma irreversible a funcionalidade deste como é o caso das infraestruturas eólicas proxectadas.

De feito, o artigo 35.2 indica que: “Os restantes usos en chan rústico son usos prohibidos”, sobre todo aqueles que alteren de forma irreversible a súa funcionalidade, como é o caso das remocións de terra descritas no proxecto eólico VILARTOXO.

### **Conclusión:**

O parque eólico VILARTOXO proxectado é incompatible cos usos e a fertilidade actual dos chans. As cimentacións do parque xunto coa remoción de toneladas de terra previstas para a súa implantación, altera de forma irreversible a cuberta vexetal e os recursos hídricos, producindo erosión da cuberta vexetal e a medio e longo prazo desertificación da área afectada, xa que, a perda da cuberta vexetal e dos humidais converte aos chans nun recurso natural non renovable e finito perdendo a súa funcionalidade e aptitude agrícola, gandeira e forestal actual de xeito irreversible.

### **3.- ANÁLISE DOS PLANEAMENTOS URBANÍSTICOS MUNICIPAIS DOS MUNICIPIOS AFECTADOS POLO PARQUE EÓLICO VILARTOXO.**

**A mercantil promotora propón a modificación de cualificación urbanística e regulación detallada do uso pomenorizado para recalificalo como chan rústico de especial protección de infraestruturas.**

De acordo co previsto no Artigo 34.4 da Lei 2/2016, do 10 de febreiro, do chan de Galicia, cando un terreo, polas súas características, poida corresponder a varias categorías de chan rústico de especial protección, aplicaranse os distintos réximes de forma complementaria, prevalecendo aquel que outorgue unha maior protección (que neste caso non é o chan de infraestruturas). **Polo tanto, desde o punto de vista urbanístico o proxecto eólico VILARTOXO é incompatible. A promotora pretende unha recalificación urbanística non amparada legalmente en relación ao chan rústico de protección forestal, chan rústico de protección de cauces, o chan rústico de protección paisaxística e o chan rústico de protección de espazos naturais.**

*“Artigo 34.4. Cando un terreo, polas súas características, poida corresponder a varias categorías de chan rústico, aplicaranse os distintos réximes de forma complementaria”.*

Ao anterior hai que engadir a prevalencia da protección ambiental do **Artigo 2 da Lei 42/2007, do 13 de decembro, do Patrimonio Natural e da Biodiversidade.**

*“Artigo 2. Principios.*

*Son principios que inspiran esta lei:*

*f) A prevalencia da protección ambiental sobre a ordenación territorial e urbanística e os supostos básicos da devandita prevalencia”.*

A maior abundamento **hai que contar coa protección ambiental reforzada da Directiva 92/43/CEE do Consello, do 21 de maio de 1992, relativa á conservación dos hábitats naturais e da fauna e flora silvestres.** Hai hábitats prioritarios e hábitats de interese comunitario pero ambos os dous tipos gozan da protección do artigo 2 desta directiva, isto é:

*1. A presente Directiva ten por obxecto contribuír a garantir a biodiversidade mediante a conservación dos hábitats naturais e da fauna e flora silvestres no territorio europeo dos Estados membros ao que se aplica o Tratado.*

*2. As medidas que se adopten en virtude da presente Directiva terán como finalidade o mantemento ou o restablecemento, nun estado de conservación favorable, dos hábitats naturais e das especies silvestres da fauna e da flora de interese comunitario.*

**Os hábitats naturais de interese comunitario requiren de zonas de especial conservación conforme á Directiva 92/43/CEE do Consello do 21 de maio de 1992 relativa á conservación dos hábitats naturais e da fauna e flora silvestres. Non poden ser, por tanto, nin eliminados, nin degradados. A normativa citada indica expresamente que estes hábitats deben ser conservados e manterse nun estado de conservación favorable.**

**4.- A prevalencia da protección ambiental da Lei 42/2007, do 13 de decembro, do Patrimonio Natural e da Biodiversidade.**

*“Artigo 2. Principios.*

*Son principios que inspiran esta lei:*

- a) O mantemento dos procesos ecolóxicos esenciais e dos sistemas vitais básicos, apoiando os servizos dos ecosistemas para o benestar humano.*
- b) A conservación e restauración da biodiversidade e da xeodiversidade mediante a conservación dos hábitats naturais e da fauna e flora silvestres. As medidas que se adopten para esa fin terán en conta as esixencias económicas, sociais e culturais, así como, as particularidades rexionais e locais.*
- c) A utilización ordenada dos recursos para garantir o aproveitamento sostible do patrimonio natural, en particular, das especies e dos ecosistemas, a súa conservación, restauración e mellora e evitar a perda neta de biodiversidade.*
- d) A conservación e preservación da variedade, singularidade e beleza dos ecosistemas naturais, da diversidade xeolóxica e da paisaxe (...).*
- f) A prevalencia da protección ambiental sobre a ordenación territorial e urbanística e os supostos básicos da devandita prevalencia.*
- g) A precaución nas intervencións que poidan afectar a espazos naturais ou especies silvestres”.*

## **5.- O PLAN SECTORIAL EÓLICO DE GALICIA**

Á vista da multitude de proxectos eólicos que se están a tramitar arestora por parte da Xunta de Galicia están a producirse importantes desaxustes entre a realidade actual e o contexto contemplado no Plan Sectorial Eólico de Galicia (páxina 91 da Memoria), que indica literalmente:

*"En cualquier caso, la Revisión del Plan Sectorial Eólico de Galicia está concebida no sólo en esos términos de complementariedad requeridos por la L.O.T. sino que, asimismo, se sujeta a los Principios de mínima incidencia territorial y de máxima compatibilidad con los Planes Generales de Ordenación Municipal".*

Non estamos por tanto no ano 1997, na data de aprobación do Plan Sectorial eólico nin estamos ante unha planificación eólica de mínima incidencia territorial nin de máxima compatibilidade cos Plans Xerais de Ordenación municipal.

A realidade é que estamos ante a tramitación numerosa de proxectos eólicos tanto autonómicos como estatais que inciden directamente e de xeito importante na vida das familias que viven e residen no medio rural, afectando de forma importante aos seus medios de vida, e que son totalmente incompatibles coas clasificacións urbanísticas municipais.

A realidade é que a Xunta de Galicia está a favorecer a implantación de parques eólicos de forma indiscriminada dentro das Áreas de Desenvolvemento Eólico, rodeando os núcleos con turbinas que acadan unha altura de case tres veces a catedral de Santiago e deixando ás aldeas sen horizontes, incumprindo de facto o Convenio europeo da Paisaxe que incide no dereito da cidadanía a ser consultada sobre os obxectivos de calidade paisaxística. Isto incide directamente no benestar e na saúde das familias que viven e residen nos núcleos rurais afectados, que vén condicionada as súas vidas, o seu espazo vital e os seus horizontes, polos intereses de empresas alleas que só buscan explotar un recurso co mínimo custo e maximizando beneficios, á costa das familias e dos recursos comúns de todas as persoas e familias galegas.

Por outra banda, cómpre recordarlle que moitas das mercantís promotoras de proxectos eólicos en Galicia incluso semellan vinculadas a negocios en paraísos fiscais como pode ser a propia Naturgy, Iberdrola...etc., o que dá idea da responsabilidade social corporativa e a ética destas, polo que non ten sentido a complicidade da Xunta de Galicia con estas empresas a costa de sacrificar o benestar das familias e as aldeas do rural de Galicia.

Ademais a Lei 5/2017, do 19 de outubro modificou a Disposición transitoria segunda relativa da Lei 8/2009, do 22 de decembro, pola que se regula o aproveitamento eólico en Galicia e créanse o canon eólico e o Fondo de Compensación Ambiental, relativa ás Áreas de desenvolvemento eólico para incorporar nestas ás áreas de reserva e áreas de investigación, así como a franxa paralela a estas, previstas no Plan sectorial eólico de Galicia vixente.

Sen embargo, e a pesar desta e doutras recentes modificacións continúa sen someterse o Plan Sectorial eólico á avaliación ambiental estratéxica que esixe a Lei 21/2013, de 9 de decembro de avaliación ambiental para todos os plans e programas, manténdose a planificación sectorial eólica galega fóra desta lei.

Por outra banda, o contido do Plan Sectorial Eólico de Galicia nunca chegou a publicarse no DOG para público e xeral coñecemento das súas afeccións, cos conseguintes prexuízos que se están a ocasionar arestora para as familias que viven e residen nos núcleos rurais de Galicia, que descoñecen na meirande parte dos casos as afeccións eólicas que teñen á beira das súas casas e terras (o seu medio de vida), vulnerándose así o artigo 9.3 da Constitución española que refírese a un principio tan básico dunha Democracia como é a publicidade das normas. Así temos o caso de que os Plans urbanísticos municipais sí se publica o contido íntegro dos seus textos nos boletíns oficiais, pero o Plan Sectorial eólico de Galicia, de carácter supramunicipal e máxima incidencia territorial non.

Semella que Dirección Xeral de Planificación Enerxética e Recursos Naturais non aplica a lei 21/2013, de 9 de outubro de avaliación ambiental, o que resulta cando menos moi preocupante tendo en conta o tempo transcorrido desde a aprobación do Plan Sectorial eólico no ano 1997, os cambios normativos acaídos desde entón e a situación de vulnerabilidade e crise climática que se está a producir arestora. Por outra banda, está a esquecer o principio precautorio en materia ambiental que debera imperar sobre a planificación territorial, en consoancia coa normativa ambiental vixente.

Segundo o Rexistro eólico de Galicia que se pode ver neste enlace: <https://xuntasix.maps.arcgis.com/apps/webappviewer/index.html?id=4bae3fad95b6439bacef9d1a316765e9>

Cómpre salientar que a delimitación das Áreas de Desenvolvemento Eólico (ADEs) do anterior enlace, non coinciden coas do enlace que a seguir se indica:

<http://www.inega.gal/enerxiasrenovables/eolica/plansectorialeolico.html?idioma=es>

O feito de que non coincidan as superficies das ADEs dá lugar a pensar que hai dous Plans Sectorias eólicos, polo que a Xunta de Galicia debe aclarar de inmediato cal é o Plan sectorial eólico vixente e as delimitacións das ADEs. Por outra banda, tras a incorporacións ás ADEs das áreas de investigación e reserva, as novas ADE resultantes desta incorporación non están xeoreferenciadas nin delimitadas topográficamente con un sistema de coordenadas XY, polo que xera moita inseguridade xurídica na cidadanía e indefensión para esta. Cómpre por tanto e sen demora, que o órgano substantivo, isto é, a Dirección Xeral de Planificación Enerxética e Recursos Naturais publique no DOG as ADEs actualizadas e xeoreferenciadas.

Así a Lei 8/2009, do 22 de decembro, pola que se regula o aproveitamento eólico en Galicia e créanse o canon eólico e o Fondo de Compensación Ambiental indica:

*Disposición transitoria segunda. Áreas de desenvolvemento eólico.*

1. *En tanto non se modifique o Plan sectorial eólico de Galicia, considéranse áreas de desenvolvemento eólico as áreas de reserva e áreas de investigación, así como a franxa paralela a estas, previstas no Plan sectorial eólico de Galicia vixente.*

Sen embargo, a nova delimitación das ADE froito desa modificación e nova ampliación non foi publicada no DOG e tampouco estas actualmente vixentes están delimitadas nin xeoreferenciadas.

Isto xera falla de seguridade xurídica entre a cidadanía, especialmente a afectada, polo que deberan tomarse medidas neste sentido.

En virtude do anterior,

### **SOLICITA:**

1.- O rexeitamento da solicitude de autorización administrativa previa, da autorización administrativa de construción, do estudo de impacto ambiental e do proxecto sectorial de incidencia supramunicipal (proxecto de interese autonómico (PIA) do proxecto do parque eólico Vilar toxo, nos concellos da Baña e Val do Dubra (A Coruña) (expediente IN408A 2019/44). DOG Núm. 172, 7 de setembro de 2021, e a súa retirada definitiva pola súa incompatibilidade cos valores ambientais, patrimoniais e paisaxísticos presentes na área de afección do proxecto e a falla de licenza social.

2.-SIRVAN AS PRESENTES ALEGACIONES COMO NOTIFICACION PREVIA DESTE ASUNTO, QUE VAI A SER OPORTUNAMENTE RATIFICADA PARA O CASO DE PROGRESO DA SOLICITUDE RELATIVA AO PARQUE EÓLICO VILARTOXO (EXPEDIENTE IN408A 2019/44) E PROGRESO DA MESMA, DEBENDO OS PROMOTORES ENFRENTARSE AOS PROCEDIMENTOS XUDICIAIS QUE SE INICIEN (CONTENCIOSO-ADMINISTRATIVOS E PENAS), ASÍ COMO, ÁS INDEMNIZACIONES QUE PROCEDAN, CON RESPONSABILIDADE SUBSIDIARIA DE QUEN AUTORIZA SEN TER EN CONTA OS DEFECTOS DOS QUE SE LLE PON EN COÑECEMENTO.

3.- Téñase en conta que o Inventario de Humidais de Galicia non recolle ningún humidal. Téñase en conta que ademais dunha impresionante e exclusiva biodiversidade, calcúlase que unha hectárea de turbeira pode almacenar entre 3 e 3,5 veces máis carbono que unha hectárea de bosque tropical, reducindo a emisión de gases de efecto invernadoiro e o quecemento global do planeta, polo que é fundamental a conservación destes sumidoiros e acumuladores de carbono.

4.- Téñase en conta que o Plan Sectorial Eólico de Galicia é un regulamento que non está adaptado a actual normativa de avaliación de impacto ambiental e que está desfasado, caduco e obsoleto e que carece de avaliación ambiental estratéxica. Ademais, nunca chegou a publicarse íntegramente o seu texto e as correspondentes modificacións do mesmo no Diario Oficial de Galicia vulnerándose o artigo 9.3 da Constitución española (principio de publicidade das normas e principio de seguridade xurídica).

5.- Acceso dixital, ao abeiro da Lei 27/2006, á documentación relativa ao seguimento ambiental do Plan Sectorial eólico de Galicia e ao programa de vixancia ambiental deste, tal e como indica o artigo 51 da Lei 21/2013, de 9 de outubro de avaliación ambiental de Galicia.

6.- A adopción da medida cautelar urxente consistente na suspensión temporal da eficacia do Plan Sectorial Eólico de Galicia e a paralización temporal da aplicación deste, en tanto non se someta este regulamento á avaliación estratéxica ambiental prevista na Lei 21/2013, de 9 de outubro de avaliación ambiental.

7.- Teñan en conta que en consoancia co anterior estase a vulnerar unha mancha de normativa que xera indefensión para a cidadanía como:

- Directiva 2003/4/CE do Parlamento Europeo e do Consello, do 28 de xaneiro de 2003, relativa ao acceso do público á información ambiental e o Convenio de Aarhus de 1998 sobre o acceso á información, a participación do público e o acceso á xustiza en materia de medio ambiente, que garanten o acceso público a información ambiental que obre en poder das autoridades públicas ou doutras entidades no seu nome, tanto cando se lles solicite como mediante divulgación activa.
- Decisión 2005/370/CE do Consello, do 17 de febreiro de 2005 sobre a celebración, en nome da Comunidade Europea, do Convenio sobre o acceso á información, a participación do público na toma de decisións e o acceso á xustiza en materia de medio ambiente (DO L 124 de 17.5.2005, pp. 1-3)
- Regulamento (CE) nº. 1367/2006 do Parlamento Europeo e do Consello, do 6 de setembro de 2006, relativo á aplicación, ás institucións e aos organismos comunitarios, das disposicións do Convenio de Aarhus sobre o acceso á información, a participación do público na toma de decisións e o acceso á xustiza en materia de medio ambiente (DO L 264 de 25.9.2006, pp. 13-19)
- Decreto 127/2008, do 5 de xuño, polo que se desenvolve o réxime xurídico dos humidais protexidos e se crea o Inventario de humidais de Galicia.
- Lei 7/2012, de 28 de xuño de Montes de Galicia.

8.- Que por parte do Consello da Cultura Galega, máximo órgano asesor da Xunta de Galicia en materia de cultura, se informe sobre a compatibilidade do proxecto da estación eólica VILARTOXO e os demais parques que prevé desenvolver o

mesmo grupo empresarial nas proximidades xeográficas deste e os demais parques xa instalados ou en tramitación existentes ou previstos para a mesma área xeográfica cos valores culturais, paisaxísticos e ambientais da área de afección.

9.- Que por parte da Dirección Xeral de Defensa do Monte da Consellería de Medio Rural da Xunta de Galicia e á luz da exposición de motivos e o artigo 5 da Lei 7/2012, de 28 de xuño se informe sobre a prevalencia do uso forestal sobre o uso eólico e a incompatibilidade deste, dentro da superficie afectada pola poligonal do parque eólico VILARTOXO e os demais parques que prevé desenvolver o mesmo grupo empresarial nas proximidades xeográficas deste e os demais parques xa instalados ou en tramitación existentes ou previstos para a mesma área xeográfica, en tanto en canto como ben di a exposición de motivos da referida lei, o monte galego é unha fonte de riqueza que xera emprego estable, descarboniza a economía, cumpre co protocolo de Kioto e realiza unha contribución importante ao PIB galego (artigo 5 da Lei de Montes de Galicia).

10.- Información sobre das axudas públicas e contías recibidas pola empresa promotora Green Capital Power, S.L., e as demais empresas do mesmo grupo empresarial, tanto do Estado español como do Banco Europeo de Inversións ou calquera outra Administración pública para o desenvolvemento dos parques VILARTOXO e os demais parques que prevé desenvolver o mesmo grupo empresarial nas proximidades xeográficas deste do mesmo grupo empresarial e obxecto doutros expedientes independentes, e que pese a súa vinculación entre eles, non foron obxecto de avaliación ambiental conxunta como correspondera obviándose así a participación pública na avaliación ambiental do conxunto de proxectos vencellados ao mesmo grupo empresarial e para o mesmo ámbito xeográfico.

11.- Ao abeiro do Convenio Europeo da Paisaxe, en vigor o 1 de marzo de 2004, e que España ratificou o citado Convenio o 26 de novembro de 2007 (BOE de 5/02/2008), o papel do dereito non é recoñecer e protexer un valor ou unha beleza paisaxística particulares; o que o dereito debe recoñecer en primeiro lugar e, por conseguinte protexer, é un valor complexo: a necesidade de toda a cidadanía de establecer unha relación sensible co territorio, de beneficiarse desta relación e de participar na determinación das características formais dos lugares que habitan ou frecuentan. Ninguén, incluída a promotora deste proxecto e a Xunta de Galicia, ten dereito a emborronar a dimensión paisaxística dun territorio sen ter primeiro en conta o interese do conxunto da poboación local afectada. E o dereito á Paisaxe non pode ser determinado por un desenvolvemento económico que non ten en conta a aparencia dos territorios aos que afecta, senón que debe reflectir as verdadeiras aspiracións dos homes e mulleres que o habitan. E no presente caso existe un rexeitamento social expreso e masivo tanto ao parque eólico Vilartoxo e os demais parques que prevé desenvolver o mesmo grupo empresarial nas proximidades xeográficas deste e os demais parques xa instalados ou en tramitación existentes ou previstos para a mesma área xeográfica. Non se pode transformar unilateralmente por mor do interese dunha empresa as paisaxes agrarias e forestais e o medio de vida das familias en paisaxes industriais e polígonos eólicos que só benefician a empresas como é o presente caso.

A Baña, 12 de setembro de 2021

Asdo.- \_\_\_\_\_